



UNIVERSITÄTS-
BIBLIOTHEK
PADERBORN

Universitätsbibliothek Paderborn

Asiaticae Historiae Societatis Iesv Pars ...

Libris Quatuor Comprehensa: Vbi praeter res gestas à Patribus Societatis Iesv in conversione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

100. Sinis Christiani mors mirè pia.

urn:nbn:de:hbz:466:1-10757

omnes eam complectantur eique obediant. Omni ergo cum reuerentia obsecro, vt hoc meum votum fronte propitiâ videas, quod tibi demississimè nuncupo; his à me verbis scripto comprehensum, vt maiestatati tuæ illud recitarem: sub imperio familiæ Tamin, anno Vanliæ Regis trigesimo, Lunæ octauæ die sexto. Hæc Pauli Chirographo alij fermè similia condebant, Christianâ in fide, vitæque constantiâ, monumenta & pignora; etsi rebus ipsis testati pridem illam essent, multitudine idolorum etiam pretiosa, suis proiecta ex ædibus, & ignominiosè constricta: horum vnus senex octogenarius, ad primam veri Dei lucem sibi à Patribus ostensi, mirificè alacer ad eos accurrit, & grandi numero idola (quorum erat doctissimus artifex) comminuenda iis dedit, cum singulorum absurdis fabulis igne abolendis. Fabij martyris ex baptismo nomen sibi optauit, eumque mor prætulit in Dei obsequiis ardorem, vt in iuuenum vires redisse videretur: laudabant Neophyti, leucam ab eo pedibus confici vt facto interesset; Patres conscij eius arcanorum, animi robur ingens, & duris exercitum malis, quibus illum Deus cælo præparabat, toto quam abiret triennio. Ex morbo iacens, & morti proximus, confessione animam lustrauit, enixè à Patribus flagitans, vt se ad cumulam consolationis diuino viatico impertirent. Sed per mediam urbem tertio milliari cum pompâ portari, non sinebant illa fidei nascentis initia, multò verò minùs sine pompa, & veluti furtim, ne inde tanti sacramenti humilior sensus ingeneraretur Neophytis, ne domi quidem eius rem sacram facere, satis decorum censebant nonnulli, dumque illi lentius consulunt, & die Epiphaniarum, Christiani sacrum apud nos præstolantur, En tibi in asserere, qui erat eius domuncula ianua, à quatuor baiulis in facellum defertur, & voce, quantam potest edere moribundus. Date, inelamat, domini mei corpus; indignus sum qui ad me veniat, meum est illum requirere, poscere, suscipere; date domini mei corpus, quæ dum ingeminat, vehementer commouit Christianos. Adueniens Riccius, iussit suum in cubiculum lectumque componi, & arteriâ tentata vidit properè festinandum; sternit tapetis à facello viam, funalia & odores addit, supplicantium serie Christianos præmittit, Sacerdotis ingressu cœleste mysterium portantis, exhilaratus Fabius, clarâ voce primùm peccatorum veniam à Deo petit; post iis à quibus vexatus fuerat, veniam ex animo tribuit. Cathecumena vxori, & filio inculcauit, ne baptismum in longum differrent, cui fideliter vterque morem gessit. Refectus viatico bonus senex, & sancto linitus oleo, tantum virium resumpsit, vt reportari domum potuerit vbi paucos post dies, Deo plenus, & lætus, adstantibus nostris ad Deum transit, qui crebris eiusmodi voluptatibus animi, reficiebat nostrorum tædia & labores. Illud perpetuum quod confessiones delictorum, etiam leuium, imo solâ peccati specie terrentium, profectu

100.
Sinis Christi-
iani mors
mirè pia.

prosequerentur vi magna lacrimarum. Vnus h. ud dudum baptismo
 lustratus, prociens ad pedes Sacerdotis flagellum protulit, rogansque
 durè, & acriter eo verberari, vestes exuebat; negavit Pater motis esse
 poenitentes cædi a Sacerdotibus; multo minus poenas confessioni præ-
 mittere. Postquam verò, inquit Riccius, audiui confitentem, miratus
 sum innocentiam hominis, qui peccato enormi teneri dixerat, cum
 solo innocentiæ amore scrupuloso, & metu peccati laboraret, quod
 multas mihi exciuit lacrimas, & nunc etiam crebro in mentem re-
 diens, magnopere afficit. Augebat hanc Patrum consolationem, no-
 bile multorum ardentique studium, eiusdem aliis procurandi boni, cu-
 ius facti compotes fuerant; horum è numero fuit Ignatius Tumi fa-
 milia gentilis, summo Iuris Prætori propinquus; professione Magi-
 ster scholæ quod manus Sinis Literatorum est atque illustrium. Christi
 effigiem in suo Gymnasio venerabatur intimo affectu; deprædicabat
 illum discipulis tam felici ore, non modò vt omnes ad eum adorand-
 um, verum & multos Christianismum persuasos, ad Patres pertra-
 heret amplius edocendos: eius tamen probæ ac piæ mentis fructus
 extitit non probus, cum suum quendam discipulum, baptisimi arden-
 tissimum desiderio propterea repulit, quod ingenio tardior ad perci-
 pienda Christiana non esset us honoris futurus, cum ne Sineses qui-
 dem scientias caperet. Verum is aliquando è schola reuertens, tonan-
 te æ minante cælo, afflatus est fulmine tam vicino, vt humi deiectus
 domum pro mortuo referretur, quo tempore vidit, quocumque tan-
 dem oculo viderit, Christum, inquam, vidit Seruatorem, suis Ange-
 lis cinctam, clementi se aspectu dignantem; & dicentem quod qui-
 dem nunc attinet, vitam ei dono: id visum Ignatio Magistro suo cum
 narrasset, intellexit Ignatius placere Deo vt is fieret Christianus, mul-
 toque certiùs, cum recitata super eo precatione dominicâ & Virginis
 matris salutatione de lecto sanus exiit, & eruditus a Patribus de op-
 portunitis ad salutem, ritè ablatus est, & Michaëli dictus; secuta est
 mater iuuenem, ad baptismum, pauloque post ad cælum præiit, sa-
 cris mysteriis optimè procurata: stetit alteri minoris, mira è cælo de-
 fensio aduersus potentem calumniatorem, & emptum iudicem qui iam
 eum homicidij, & latrocinij damnarat, pronuntiaturus conceptam
 sententiam, vbi capitalium Præses eam confirmasset. Angebat grauius
 Christianos infantis supplicium, & famæ suæ iactura communis Chri-
 sti nomen & legem dedecoratura, & quantò sagacius inter se apud
 nos scrutabantur de innocente liberando, tanto magis causam despera-
 bant; sola in precibus ad Deum restabat eius fiducia; & verò Deus
 hanc ad suum tribunal vocatam absoluit. Dies aderat quo iudex nefar-
 ius, cum crudeli actore, oblaturus erat sententiam perfidam Præsidis
 suffragio firmandam; cum Præsidis nondum expectato: obicitur som-
 nium, alrà que adeo hæret mente vt visum potius censeretur. Putabat
 eorum adesse Saluatorem quem ex effigie apud nos sæpius inspecta pro-

101.
 Confitentis
 insignis do-
 lor.

Christ. à ca-
 lum. & mor-
 te liber. diui-
 nitus.